

Northport rangkul anugerah IAPH 2022 Sustainability Award



Datuk Azman Shah (kanan) menerima Anugerah Kelestarian IAPH 2022 dalam majlis IAPH 2022 di Vancouver, Kanada, baru-baru ini.

- Oleh SHAFIQAH SHUKOR
- 20 Mei 2022, 10:45 am

PETALING JAYA: Northport (Malaysia) Berhad, ahli Kumpulan MMC, telah memenangi anugerah IAPH 2022 Sustainability Award di bawah kategori Keselamatan, Kesihatan dan Sekuriti.

Dengan projek bertajuk Perjalanan Ke Arah Kecemerlangan HSE Northport telah menewaskan dua finalis lain, iaitu Pelabuhan Montreal dan Pelabuhan Amsterdam dalam kategori tersebut.

Pengumuman pemenang anugerah telah dibuat semasa Majlis Makan Malam Gala yang diadakan bersempena dengan Persidangan Pelabuhan Dunia IAPH 2022 pada 17 Mei 2022 di Vancouver, Kanada.

Ketua Pegawai Eksekutif Northport, Datuk Azman Shah Mohd. Yusof telah menerima anugerah bagi pihak syarikat daripada Ketua Bahagian Pembangunan Sumber Manusia, Persidangan Perdagangan dan Pembangunan Pertubuhan Bangsa-Bangsa Bersatu (UNCTAD), Mark Assaf.

IAPH atau International Association of Ports and Harbors adalah sebuah gabungan global dengan ahli yang terdiri daripada pihak berkuasa pelabuhan, pengendali pelabuhan serta perniagaan berkaitan pelabuhan dari 87 buah negara.